

ÅRG. 92 NR. 2 — HAUSTEN 2020

# KINN KYRKJEBLAD

BRU - EIKEFJORD - KINN - NORDAL - NORD VÅGSØY - SØR VÅGSØY



DUESLEPP  
I FLORØ

8

## KYRKJEKONTORET I FLORØ

Strandgata 43 • Postboks 504, 6903 Florø  
Tlf.: 57 75 25 30  
E-post: post@kinn.kyrkja.no  
Kontortid: Måndag – fredag kl. 10.00 – 14.00  
[www.kinn.kyrkja.no](http://www.kinn.kyrkja.no)

### SOKNEPREST

Benedicte Øien  
[benedicte.oien@kinn.kyrkja.no](mailto:benedicte.oien@kinn.kyrkja.no)  
Tlf. 488 97 681

### SOKNEPREST

Dag Leirvik  
[dag.leirvik@kinn.kyrkja.no](mailto:dag.leirvik@kinn.kyrkja.no)  
Tlf. 917 32 150

### VIKARPREST

Reidar Knapstad  
[reidar.knapstad@sunnfjordkyrkja.no](mailto:reidar.knapstad@sunnfjordkyrkja.no)  
976 58 220

### KANTOR

Michael Fiedczak  
[michael.fiedczak@kinn.kyrkja.no](mailto:michael.fiedczak@kinn.kyrkja.no)

**KONFIRMANTANSVARLEG**  
Jostein Bildøy  
[jostein.bildoy@kinn.kyrkja.no](mailto:jostein.bildoy@kinn.kyrkja.no)  
Tlf. 951 91 332

**KYRKJELYDSARBEIDER**  
Ann Kristin Takle Winterthun  
[ann.kristin@kinn.kyrkja.no](mailto:ann.kristin@kinn.kyrkja.no)  
Tlf. 415 76 051

### KANTOR

Imke Schüren  
[imke.schuren@kinn.kyrkja.no](mailto:imke.schuren@kinn.kyrkja.no)  
Tlf. 47 01 39 72

### SEKRETÆR

Astrid Alsaker  
[astrid.alsaker@kinn.kyrkja.no](mailto:astrid.alsaker@kinn.kyrkja.no)  
Tlf. 57 75 25 30

### RÅDSLÉIARAR

*Bru sokn:* Anders Tyvold 911 38 521  
*Eikefjord sokn:* Marit Høyvik 997 06 058  
*Kinn sokn:* Ragnhild Schwarz 480 22 079  
*Nordal sokn:* Anita Eikevik 958 82 794

### PROST I SUNNFJORD

Knut Magne Nesse  
[knut.magne.nesse@kinn.kyrkja.no](mailto:knut.magne.nesse@kinn.kyrkja.no)  
Tlf. 917 13 275



### LEIAR KINN KYRKJELEGE FELLESRÅD

Dag Almenning  
Tlf. 909 47 872

### KYRKJEVERJE

Erling Nydal  
[erling.bakke.nydal@kinn.kyrkja.no](mailto:erling.bakke.nydal@kinn.kyrkja.no)  
Tlf. 47 86 83 14



**SOKNEPREST I SØR-VÅGSØY**  
Mari Saltkjel  
[mari.saltkjel@kinn.kyrkja.no](mailto:mari.saltkjel@kinn.kyrkja.no)  
Tlf. 459 14 954



**SOKNEPREST I NORD-VÅGSØY**  
Beate Osdal  
[beate.osdal@kinn.kyrkja.no](mailto:beate.osdal@kinn.kyrkja.no)  
Tlf. 474 13 996



**KYRKJEMUSIKAR**  
Alice Teunis  
[aliceteunis@yahoo.no](mailto:aliceteunis@yahoo.no)  
Tlf. 960 46 119



**AVDELINGSLEIAR**  
Evy Haug Nybak  
[evy.nybak@kinn.kyrkja.no](mailto:evy.nybak@kinn.kyrkja.no)  
Tlf. 481 46 505



**TRUSOPPLÆRAR**  
Regine Sønderland  
[regine.sonderland@kinn.kyrkja.no](mailto:regine.sonderland@kinn.kyrkja.no)  
Tlf. 461 63 548



**KONFIRMANTARBEIDER**  
Merethe Eide  
[merethe.eide@kinn.kyrkja.no](mailto:merethe.eide@kinn.kyrkja.no)  
Tlf. 922 04 208



**KYRKJELYDSARBEIDAR**  
Jardtrud Lillestøl Bjerkreim  
[jardtrud.lillestol.bjerkreim@kinn.kyrkja.no](mailto:jardtrud.lillestol.bjerkreim@kinn.kyrkja.no)




**KONTORMEDARBEIDER/KYRKJETENAR**  
Galina Kvalheim  
[galina.kvalheim@kinn.kyrkja.no](mailto:galina.kvalheim@kinn.kyrkja.no)  
Tlf. 405 25 177



**KYRKJEGARDSARBEIDAR**  
Joar Kvamme



**KYRKJEGARDSARBEIDAR**  
Johannes Nome



**RÅDSLÉIARAR**  
*Nord-Vågsøy sokn:* Bjørn Eide 990 34 949  
*Sør-Vågsøy sokn:* Kristine Schielerup 412 07 159



**GRAFISK UTFORMING:**  
Kåre Olav Morken, GRAPHIC FROG  
**TRYKK:** Grafisk-hus, Knarvik

## KYRKJEKONTORET I MÅLØY



Rådhushuset • Postboks 33, 6701 Måløy  
Tlf.: 481 00 481  
E-post: post@kinn.kyrkja.no  
Kontortid: Tirsdag kl. 10 – 14  
Torsdag – fredag 10 – 12  
[www.kinn.kyrkja.no](http://www.kinn.kyrkja.no)

## Eit konfirmantår er slutt – eit nytt tek til!

Det vart lenger det konfirmantåret som skulle avsluttast med fest og glede i vår. Festane har vi hatt no i august og september – 20 konfirmasjonsgudstenester i talet i Sør-Kinn. 126 konfirmantar har fått festen sin!

Hausten 2020 er det ca 110 konfirmantar som er klare for ulike møtepunkt gjennom konfirmantåret. Gruppeundervisning gjennom turar, baking, forming, sang og bevegelse står framfor. Oppgåver der dei skal bli kjent med kyrkjelyden sin gjennom å delta i aktivitetar for born, unge og eldre hører og med.

Gudstenestedagar som er gudsstenesteverkstader der konfirmantane står for innhaldet i ungdomsgudsstenesta som gudsstenestedagen sluttar med.

Nytt i år er at foreldre vil delta som kyrkjevert med kyrkjekaffi etter gudstenestene. Foreldre deltek og på ulike måtar i dei ulike undervisningsmøtepunkt konfirmantar har.

Konfirmantane som du ser



Konfirmantar på Kinn  
(Foto: Cecilia Molander)

giennom kyrkjearået er ein del av kyrkjelydsfellesskapet. Det vil vere fint om vi saman held fram med å gjere det triveleg å vere ung i kyrkj.

Jostein Bildøy  
konfirmantansvarleg.

NMS Gjenbruk opna med full musikk 12.juni 2014. No er det ny opningsfest!

Torsdag 10.september blir enno ein merkedag for Det Norske Misjonsselskap (NMS) i Nordfjord. Då opnar den nye gjenbruksbutikken i Eidsgata 5. Turid Øre Øygard blir med på den festlege opninga. Ho er dagleg leiar for dei om lag femti gjenbruksbutikkane til NMS. Det var glad fest med hornmusikk, taler, kaffi og kaker då butikken i Almenningen blei opna i juni 2014. Etter seks år med vellukka drift er det endå meir grunn til glede. Det kan vi særleg takke dei vel tretti frivillige, flinke og flittige medarbeidarane for. Dei veit at gjenbruk er det som må til i vår tid, og det får ei endårikare meinings når målet også er misjon. Grunnen til at butikken flytter frå lokala i Almenningen, er at den nye eigaren vil gjøre store endringar i bygningen. Då var det heldig at alt låg vel til rette for å leige hovelege lokale i Eidsgata 5.



Det blir ein kort veg å flytte, men det er store mengder varer som skal flyttast på kort tid. Ein

## Ny butikk for NMS gjenbruk

komite er godt i gang med organiseringa av dette arbeidet. Dei faste medarbeidarane får tildelt ulike oppgåver. Men når flyttinga tar til for fullt fyrste dagane i september, er det trong for fleire frivillige. Igjen etterlyser vi menn til å hjelpe til med praktiske oppgåver! På grunn av flyttinga blir det ikkje ta tatt inn nye varer før butikken er etablert i Eidsgata 5. Butikken i Almenningen blir naturleg nok stengd medan flyttinga finn stad.

No gleder vi oss til å sjå NMS Gjenbruk Nordfjord vel etablert i Eidsgata 5! Så gjeld det at straumen av verdfulle varer kjem inn og at mange kundar får varene raskt ut att. Slik blir det ein veksande straum av pengar til NMS. Der er folk som veit korleis pengar blir til hjelp for dei som verkeleg treng det. Dette skjer i dette underlege året då korondapandemien legg sin skugge over alle folk på jorda. Det pregar øg livet i gjenbruksbutikken. Medarbeidarane der tar det nøye med reglane som gjeld. Samstundes gjer dei ein viktig innsats for medmenneske i land som har smitten nær inn på livet. Eit døme: Vatn og såpe er mangelvare i Mali. Då kjem det vel med at det blir sett opp stasjonar der folk kan få vaske hendene. Det òg er vi med på når vi handlar på NMS Gjenbruk. Vel møtt der!

Asbjørn Gjengedal



## DÅP I KORONA-TID

Marianne Dragsund har budd i Måløy sidan 2014. Eg har hørt at familien hennar nyleg har hatt barndåp, og har avtalt å snakke litt med ho om korleis det var. Eg møter ho når dei heitaste juledagane er i ferd med å gå over til å verte normale, gode sommardagar. Eg reknar med å få høyre litt om ein dåp under noko spesielle omstende, men det syner seg at det skal bli meir enn det!

Når vi møtest, er ikkje hovudpersonen, dåpsbarnet, med. På grunn av noko magetrøbbel var det best for han å bli heime i lag med faren. Fire månader har sonen Jackson-Cole blitt, men han skulle ha vore berre tre. Fødselen kom brått på, og det var uvisst om gutten ville kome i ambulansen på veg til Førde. Dei nådde fram, og det gjekk



Jackson-Cole Dragsund-Skram på dåpsdagen sin.

bra, men den fem uker før tidleg fødde guten var liten og vog berre to og ein kvart kilo. Mora kunne likevel ta han med heim, og etterpå har dei nesten tenkt at det var godt han kom tidleg, for kort tid etter vart landet stengt og fødslar og sjukehusopphald omfatta av dei strengaste rutinar.

Med godt stell heime voks guten og la på seg. På dåpsbileta ser han frisk og fin ut, men er framleis liten for alderen, seier mora. Eg lurer på kvifor dei ikkje valde å utsetja dåpen til tilhøva vart meir normale, og det blei enklare å samle folk.

— Vi hadde eigentleg bestemt dåpsdatoen før Jackson-Cole blei fødd, seier Marianne. Ei viktig årsak var at vi hadde dåp same helg for berre eitt år sidan!

Altså er det ikkje berre ein, men to «babyar» i familien. Elena Maria er berre 15 månader.

— Ho er begeistra for veslebroren og vil gjerne kose med han og gje han omsut.

I tillegg er det to eldre søskener, ein gut og ei jente. Jenta er 15 og konfirmant av året. Men konfirmasjonen i mai vart flytta til september.

— Då fekk Amanda Mari ein tanke om at ho kunne be om å få bli konfirmert same dag som broren skulle døypast! Konfirmasjonsførebuingane var jo ferdige, og på den måten trøng vi ikkje halde

to festar, men kunne feire begge desse store hendingane på same tid! Presten\* gjekk med på det, og ho la til rette for ei gudsteneste som inneholdt både konfirmasjon og dåp.

Marianne seier dei var førebudde på at det måtte bli ei feiring med berre dei nærmeste til stades. Men så vart det opna for at 50 personar kunne samlast, og raskt vart fleire av slekta frå Møre og fleire venner inviterte. Slik vart dei i alt 38, med familie og gjestar.

Dei hadde leigd eit lokale til selkapet, men måtte sjølv sørge for at alle smittevernreglar vart haldne. Eg skjønar at foreldra er både kjappe til å planleggje og dyktige til å organisere.

— Vi valde å gjere serveringa enkel. Familiar sat samla, men med god avstand til den neste. Ved kvar familie blei det sett ei skål med betasuppe, eller brennsnut, som vi seier på Møre. Noko vanskelegare vart det då ein skulle forsyne seg med kaker, men med rikeleg med antibac og eingongshanskar overalt gjekk også det greit. Vi hadde ikkje overnattingsgjester i huset, så heime med oss sjølv kunne vi slappe av.

Marianne syntest det blei ei veldig fin oppleveling i kyrkja. Fyrst vart eldstedottera konfirmert, og etter det fekk ho bera minste bror sin til døypefonten. Slik vart det to kvitkledder der framme, og det blei tydeleg at konfirmasjonen eigentleg berre er å ta dåpen eit steg vidare.

— Når presten snakka, så var det berre til oss, så det vart veldig personleg. Og så var det så mange

som fekk ta del reint praktisk i det som skjedde. Storebror Arnt Caleb fikk fylle døypefonten med vatn, ein søskenbarn las frå Bibelen, ein fadder tente dåpslyset, ein fadder tok av lua og ein fadder tørka hovudet. Eg er sikker på at alle kjem til å minnast denne dagen som noko heilt spesielt, og vi gler oss til å sjå på bileta saman med veslegut og late han få vite om alt som skjedde. Då kan og dåpslys og klut takast fram att, for dei er tekne vare på.

Marianne og Marius har aldri vore i tvil om at borna deira skulle døypast.

— Vi vil at dei skal ha noko å tru på, og ein å støtte seg til, seier Marianne. — Det er så mykke som vil bli usikkert gjennom livet, og også for oss foreldrar er det godt

å vite at vi ikkje er åleine med det store ansvaret.

Sjølv om det ikkje var nokon kyrkjelyd til stades og tok imot dåpsbarnet, vil han få vite at han hører til i den store samanhengen av kristne, at kyrkja tilhører han, og så vil han bli fylgt opp av kyrkjelyden vidare.

Sjølv med alt ekstra som måtte tenkast på denne gongen samanlikna med ein vanleg dåp i ei vanleg gudsteneste, så slapp i alle høve denne babyen å bli døpt med vasspistol! Nokre har kan hende late seg forskrekke av eit slikt opprinn på internett. Men der og skjedde dåpen heilt sikkert etter boka; nokon hadde berre vilja gje eit friskt forslag til å unngå smitte-

risiko under den heilage handlinga!

Eg spør til slutt Marianne om ho ikkje har hørt på dei som seier at dei ikkje vil ta eit så stort val på borna sine vegne. Dei vil ikkje late borna døypast, men gje dei valet sjølv når dei blir store nok?

— Dei vil jo i alle høve måtte velje sjøl seinare, seier Marianne.

— Eg synest det er viktig å gje dei ein god start. Så lenge dei er små, er det jo vi som må velje alt for dei. Er det ikkje difor vi er der som foreldre? Så kvifor skulle vi ikkje då gje dei det beste vi veit!

Anne-Helene Gjengedal

\* Presten som stod for dåpen var Beate Folkestad Osdal

## Lysgloba

Martin Luther King vart skutt i 1968, same året som han skulle tale på Kirkenes Verdensråd i Uppsala. Det var aller første gong Kirkenes Verdensråd skulle samlast i Europa, og Martin Lønnebo var prest i Uppsala med ansvar for opningsgudstenesta som skulle sendast på fjernsyn over heile Europa.

Lønnebo teikna skissa til den første lysgloba som ein respons på nyheita om at Luther King var skutt. Han meinte at det var behov for ei hjelpe i bøna, og han ønskte å sende ein bodskap om forsoning ut til heile verda. Han teikna eit kors og ei jordklode fletta inn i kvarandre, med lys rundt heile globa.

Filmen av kyrkjeleiarar frå heile verda som tente lys i lysgloba, rørte ved folk, og snart vart det bygd liknande lysglober over heile

Europa. Jordkloda vert ofte framstilt ved nokre sirklar som er sett saman. På "nordpolen" er det vanlegvis eit kors. Midt i denne verda står det store kristuslyset og brenn, og rundt "ekvator" er det plass til å sette små lys, som hentar sin eld frå lyset i midten.

Lyset har alltid fascinert oss menneske. Auge sokjer mot lyset. Lyset er tryggleik og gir håp. Lysgloba har i mange kyrkjer blitt dei tause orda si bøn. Rundt lysgloba ber vi for folk og kyrkjer i heile den vide verda.

Lysgloba var og er ofta plassert bak i kyrkja, noko som gjer ho tilgjengeleg for alle som kjem inn, og det senker terskelen for å tenne eit lys og be. Nokre plassar kan ein betale for lysa, og dei pengane går ofte til misjonen som. Dette forsterkar bønene og tanken om at vi ber for heile verda.

Lysa i lysgloba er tynne og små, og skal, viss det er mogleg, få

lov til å brenne heilt ned når det er tent. Eit tent lys er ei bøn.

På alle gudstenester og elles alltid når kristuslyset i midten av lysgloba er tent, er alle velkomne til å tenne eit lys for noko eller nokon ein ønskjer å be for. Lysgloba har ei særstilling på Helgemessa/Allehelgensdag.



Lysgloben i Nord-Vågsøy kyrkje.  
(Foto: Petter Lillestøl)



# Til Kinn for å bli rik

Den gamle kyrkja på Kinn er omlag 900 år. Den har no fått eit stort løft,- både utvendig og innvendig.

Ein aktiv sommar på Kinn går mot slutten, og eg har teke ein prat med Merethe Knapstad og Karen Margrethe Stubhaug, som har vore primus motorar der ute saman med fleire andre gode, frivillige, om korleis det har vore. Takksemid, glede og dugnad er sentrale stikkord.

*De har vore svært aktive i «opa kyrkje» på Kinn i fleire år. Kva er drivkrafta bak arbeidet de gjer der ute?*

*Vi har hatt «opa kyrkje» på Kinn i fire år, ca 6 veker kvar sommar. I år har det vore 25 vertskap frå heile landet. Dei held kyrkja opa, tek i mot folk og har tidebønn kl 13 og 19. Vertskapet bur i kyrkjestova. Dei er ikkje guidar, men rett og slett medmenneske, som møter folk. Husrom og hjarterom, er stikkorda. Dei står også for enkel kioskverksemd. Nokre av vertskapa er der opptil ei veke, andre eit par dagar. Nesten alle vertane kjem att frå år til år. Det er ikkje vanskeleg å få vertar på Kinn! Det seier noko om kor gjevande dette er. Ei STOR takk til alle frivillige! Dette er berebjelken i arbeidet vårt! Vertane seier dette er gjevande, og at dei har gode opplevelingar i møte med menneska her ute i havgapet. Når du er kyrkjevert på Kinn veit du aldri kva som skjer i løpet av ein dag. Det kan komme to - og det kan komme over hundre. Felles for alle dagar er at dei er rike og gjevande, at ein kjenner seg takksam over å vere her og vere ein del av dette.*

*Kinnakyrkja står no fram som ei perle etter lang rehabiliteringsperiode. Korleis synest de resultatet har blitt?*

*Bygningsmessig var det svært nødvendig. Det var fuktksader, og kyrkja var prega av tidens tann. Det ramla ned murpuss frå veggene. No er kyrkja lys og fin og kyrkjeunsten kjem til sin rett. Det står ennå igjen arbeid, mellom anna skulle benkane vore pussa opp. Dessutan står noko av lyssettinga att. Vi er svært takksame for at Flora kommune tok det store økonomske løftet og sette kyrkja i stand. Det viser at dei ser verdien av denne kulturskatten. Kinn og Kinnakyrkja er ein viktig plass for mange. Vi meiner den skal vere i bruk og tilgjengeleg for enkeltpersonar og grupper, og brukast både til åndelegheit og kultur. Det er mange som verdset å tenne eit lys og berre sitte stille i den gamle kyrkja. Skuldrane blir lave, og folk snakkar liksom lavt på Kinn.*

*Korleis er tilbakemeldingane frå gjestane som kjem? I år har det vore folk frå heile Norge. Mange veit ikkje om kyrkja, og blir veldig overraska. Svært mange viser stor takksemid og er generelt veldig glade for å komme inn i kyrkja. Dei gjev uttrykk for at dei set pris på dette enkle, tenne eit lys, vere med på tidebøn. Vi som er vertskap her ute gjer dette frivilleg. Vi tek ikkje inngangspengar, men ein kan gje ei gave om ein vil, og det er det mange som gjer.*

*Kor mange har vore innom Kinnakyrkja denne sommaren?*

*I løpet av seks veker har vi hatt over 2300 gjestar! Dette er over ei dobling frå sommaren 2018. Sommaren 2019 var den stengd pga restaureringsarbeidet. Det seier noko om at dette er noko folk i vår tid treng og set pris på. Vi trur dei finn ein fred her - i ei oppjaga tid. Vi ser og at mange har behov for*

*Jan Carstens*

å vere stille, tenne eit lys og berre vere. Det å gå inn i ei kyrkje, vere stille og tenne lys, er noko mange av oss kjenner frå feriar i utlandet, men vi har kanskje ikkje like stor tradisjon for det. Dette er i endring, og vi trur det blir meir og meir vanleg her hjå oss. Det er mange forskjellelege folk som oppsøker Kinnakyrkja. Unge, gamle, familiar og pilegrimar. Vi opplever, utan unntak, gode møte og gode pratar med menneske. Det er berikande, rett og slett!

## Kva er planane vidare på Kinn?

Vi er ein komité som jobbar med «opa kyrkje» og vedlikehald av kyrkjestova og området rundt. Denne komiteen består av Jan Midtbø, Torleif Reksten, Jostein Russøy, Kjell Kittang, Merethe Knapstad og Karen Margrethe Stubhaug. Neste år skal vi male kyrkjestova og toalettbygget. Vi ynskjer også å oppgradere toalettbygget med varmt vatn og dusj. Ein annan draum vi har, er å skaffe steinbenkar og bord rundt kyrkja. Dette kan bli til stor glede og nytte for alle som ferdast på Kinn. Om nokon vil støtte dette økonomisk, kan ein gje ei gave på [Vipps 115101](#). Merk då meldinga med «[benkar og bord på Kinn](#).»

Det har vore både dåp og konfirmasjon på Kinn

i sommar. Det var sterke og fine opplevelingar for alle som var der. Der var Seljumannamesse 8.juli og Gudstenester 12. og 29. juli.

Det er takka vere stor frivillighet at vi kan halde kyrkja på Kinn levande og tilgjengeleg. Vi er svært glade og takksame for at vi får vere ein del av dette arbeidet!

Til slutt låner dei to driftige damene ord av biskop Kari Veiteberg, som har gjesta Kinn;

«Ta deg ein tur dit om du kan, det er ein stad der skilje, mellom himmelen og jorda er tynt som eit gjennomsiktig slør.»

Tusen takk, Karen Margrethe og Merethe for praten, og for den store, uvurderlege innsatsen de - og resten av komiteen gjer på Kinn!

Ragnhild Fure Schwarz

## Restaureringa av Kinn kyrkje

Flora kommune tok på seg byggherreansvar på vegne av Kinn kyrkjelege fellesråd i 2016. Gjennom dette har kommunen hatt prosjektleiing og byggleiing. Forsvarsbygg har heile vegen vore kulturmønnesfagleg rådgjevar. Det har heile tida vore tett dialog med Riksantikvaren. Arbeidene har vore utført av Kulturminnecompagniet.

Tiltaka som har vore gjennomført:

- 1) Murene har vore undersøkte med georadar for å avdekke hulrom med vatn og svakheter i murverket.
- 2) Dårlig puss er fjerna og alle fuger krassat ut, både innvendig og utvendig.
- 3) Ulike mørteltyper har blitt analysert og prøvd ut, ein

valgte «hot mix» som vart blanda på staden.

4. Alt er re-fuga og fasaden er pussa og kalkhvitta. Det er behalde eit «rabbelfelt» utvendig på nordveggen. Her kan ein med trent øye sjå rester av eit kalkmåleri.
5. Veggane innvendig er pussa og kalkhvitta.
6. Det er utbetra skade i tregolv, bjelkelag og stubbeloft.
7. All takstein er teke ned og festa på nytt.
8. vindua er rehabiliterete.

Riksantikvaren har tatt kyrkjeunsten inn i sin rammeavtale med NIKU. NIKU er Norsk institutt for kulturmønneforskning. Det er gjort forundersøkelser av tilstanden og ein vil vurdere igangsetting

av konserveringsarbeid. Det gjenstår å utbetre det elektriske anlegget og lysforholda i kyrkja.

Prosjektet har ei totalramme på om lag 17,6 mill. Av dette bidrar staten gjennom Riksantikvaren med 2,9 mill. Kinn kommune har tatt den største rekninga.

Kinn sokneråd tok kyrkja i bruk 29. juni og der har vore open kyrkje, gudstenester og konfirmasjon i kyrkja. Det vert høgtideleg overlevering av kyrkja ved ordførar Ola Teigen, Søndag 30. august. Same dag får kyrkja vitjing av kystpilegrimsseglas som er på veg frå Selja til Bergen med Sunnivaskrinet i samband med Bergen by sitt 950 års jubileum.



# Dueslepp



Dåpsduer heng klare til henting på alterringen. Foto: Ann Kristin Takle Winterthun

Flygande duer: pingtree.com

Då Jesus vart døypt i Jordan-elva opna himmelen seg og Guds Ande kom dalande ned over han som ei due. Frå himmelen lød det ei røyst som sa: «*Dette er son min, han som eg elskar, i han har eg mi glede.*» Sidan då har dua vore teiknet på Den heilage ande i kyrkja. I Florø kyrkje får barna som blir døypt ei due. Vi seier: «*Dette er Ola si dåpsdue. Ho er eit teikn på Den heilage ande, som vi får i dåpen og som bur inne i oss.*» Dåpsdua fortel oss kven vi høyrer til hos og kvar vi høyrer til, vi høyrer til hos Gud og i kyrkja. Når barnet er døypt heng vi dua på dåpstreet vårt og etter ca 1 år får dei invitasjon om å komme til kyrkja for å hente dua. For no har dua vent seg til kyrkja og veit kvar ho høyrer heime.

Då eg var guttunge bodde min onkel på Landås og der var det en god del som hadde brevduer i eit lite skur (dueslag) like ved lavblokkene de bodde i. Sist eg var i Bergen var vi på Ulriken og ved Montana ligg det fleire slike dueslag. Det

var ein kar som holt på med duene og vi gikk bort for å se og snakke litt med han. Han kunne fortelje at duene har ekstremt god orienteringsevne og utholdenhett. De har eit sterkt instinkt eller drift – om alltid å vende tilbake til maken og reirlassen sin. Når de bare har vent seg til kor de høyrer til, så kan du sleppe de ut – først på små turer og seinare på lengre turer, de kommer alltid tilbake. Så fortalte han om duesippet som nettopp hadde vært fra Kråkenes fyr – 200 km fra Bergen. Duene flyr mellom 60 og 100 km/t – så den raskeste dua kom tilbake til dueslaget etter ca 3 timer. Fantastisk spør du meg.

Søndag 16. august hadde vi dueslippsgudsteneste i Florø kyrkje. Ei heil rekke dåpsbarn som var døpt siste skuleår vart invitert og vi hadde ei eiga småbarnsgudsteneste og litt babysang. Mange av desse ungane har vore fast med på babysang. Dåpsduene våre vert laga av Jostein Eikevik i Nordalsfjord.

## Helgemesse/Allehelgensdag

Første søndag i november kvart år er det Helgemesse, eller Allehelgensdag som ein seier på bokmål. Helgemesse er ein minnedag for dei døde. Minnemarkeringar for dei døde er mellom dei eldste kristne skikkane vi har. I oldkyrkja var det først og fremst martyrene, dei som vart drepne for si kristne tru, som blei minna. Etter kvart vart også andre kristne som hadde levd eit spesielt forbileteleg liv, minna. Dei vart kalla helgenar. Den meste kjente helgen her omkring er St. Sunniva på Selja.

Men i tillegg til helgenar vart det eit behov for ein eigen minnedag for alle dei namnlause kristne som gjennom sitt liv og/eller sin død hadde vist seg som førebilete. Frå slutten av 700-talet vart denne dagen lagt til 1. november, og er altså ein 1300 år gammal tradisjon.

Dei siste tiåra er det blitt meir og meir vanleg å tenne lys på gravene på Helgemesse, og dei fleste kyrkjer har ei form for minnemarkering enten i hovudgudstenesta eller som ei eiga minnegudsteneste, der dei som har mista nokon det siste året, får ein eigen invitasjon til å delta. I

Vågsøy er det Allehelgensdag i Sør Vågsøy kyrkje 1. november kl. 18.00. Det er gudsteneste i Florø og Eikefjord kl. 11.00, i Bru og Nordal kl. 14.00.

Helgemesse er for mange ein viktig minnedag, der ein går til grava og tenner eit lys og tenker på dei som har gått bort. Slik markerer kyrkja det kristne håpet om at vi ein gong skal stå opp igjen.

Helgemesse er ei markering av at kyrkja sin fellesskap består både av dei som lever i dag, og dei som er døde i det kristne håpet om evig liv. Vi ser dette og i nattverdsliturgien der vi syng: «*Saman med din kyrkjelyd i himmelen og på jorda lovsyng vi ditt heilage namn.*»

*De som gikk foran oss, dem vil vi minnes  
her i Guds hus, hvor en dør står på klem  
inn til et glimt av den kommende verden;  
de som gikk foran, vi tenker på dem!*

(Norsk salmebok nr 274, vers 1, Svein Ellingsen)

## DEN NORSKE KYRKJA

Kinn kyrkjelege fellesråd



### Personalsituasjon

#### Kyrkjetenar i Florø kyrkje

*Solveig Færøyvik Skavøy* gir seg som kyrkjetenar i Florø kyrkje etter mange års teneste. Ho byrja som vikar i 1997 fast stilling frå oktober 2004. Solveig takkar for gode år i eit meiningsfullt arbeid. Vi takkar henne for ei trufast og god teneste og ynskjer henne alt godt som pensjonist.

Ho blir takka av på gudstenesta 27. september i Florø kyrkje

Vi arbeider no med å fylle stillinga hennar ved å tilby og nytte noverande arbeidstakrar i mindre stillingar.

#### Trusopplæring

*Jardtrud Lillestøl Bjerkreim* er tilsett som prosjektarbeidar 100% eitt år i trusopplæringsarbeidet i Måloy. Ho har fagbrev i barne- og ungdomsarbeid og kjem frå stilling i Skarevik barnehage.

Deter nærdetteblir skrive ikkjetilsett nokon i stillinga som prosjektarbeidar i 100% stilling i sokna i sør. Det vert arbeidd kontinuerleg med å rekruttere anten til mindre eller større stillingar.

#### Ny kantor i Bru, Eikefjord, Nordal og Kinn sokn

 *Michael Fiedczak* (38 år) frå Polen/Tyskland er tilsett som ny kantor. Han har kantor- og master musikkterapi-utdanning frå Tyskland. Han kjem frå stilling som lektor ved Fagakademi for sosialpedagogikk i Rottenbuch og kantor i Oberammergau i den Evangeliske Lutherske kyrkja i Bayern.

Vi ser fram til å samarbeide med desse nye medarbeidarane. Ta vel i mot dei og støtt dei i arbeidet dei skal gjere for kyrkjelydane.

#### Prestar

Vi ynskjer *Knut Magne Nesse* lukke til som prost. Han tok til med det 17. august (sjå intervju annan stad bladet). Takk for tenesta og innsatsen i Kinn. Samtidig så ynskjer vi *Dag Leirvik* lukke til som ny sokneprest i ytre Bremanger og takkar for tenesta spesielt i Nordal

og Eikefjord. Det betyr at det vert søkt etter 2 prestar i Kinn, Bru, Eikefjord og Nordal sokn i løpet av vinteren. Vi håpar det lukkast å få nye prestar inn i stillingane som står ledige.

#### Kari Leine Balog

sluttar som prostiprest i Nord og Sør-Vågsøy og Totland. Ho er blitt pensjonist, men har teke på seg vikarteneste i Selje ut året i påvente at det kjem ny prest der. Ho hadde si avslutningsgudsteneste i Nord-Vågsøy kyrkje 16. august etter tre års teneste i Vågsøy. Der vart ho takka av bl.a. fungende prost.

#### På gravplassane

Så er ein sommar over og den vart bra. Graset kom fort etter kuldeperioden i mai, difor opplevde ein på Holvik og Tytingvåg gravplass at det vart for langt før fyrste slåtten. Her er det forbetringspotensiale, men når ein då var kome rundt i gjenge, så var det fine gravplassar rundt omkring. Sommarvikarar og tilsette på gravplassane har gjort eit godt arbeid.

Festeavgifta vart i Kinn kommunestyre sett til kr 250,- pr år. pr grav. Det er eller blir sendt ut spørsmål om gjenfeste og giro i desse dagane. Ta gjerne kontakt med kyrkjelydkontora om de har spørsmål.

Reglement for gravplassane finn de på heimesida [www.kinn.kyrkja.no](http://www.kinn.kyrkja.no)

#### Kyrkjekontora

Vi har kontor både i Florø og Måloy. VI har felles telefonordning for begge kontora. Så når de trur de ringer kyrkjekontoret i Florø så kan det vere at de kjem til kyrkjekontoret i Måloy og omvendt. Vi håpar at dette gjer oss meir tilgjengelege sjølv om det kan verke litt forvirrande. Vi har felles dataprogram så vi kan finne ut det meste. Og er det nokon særskild som de skal ha kontakt med så vidarekoplar vi telefonen.

#### Økonomi

Det er spennande å sjå korleis økonomien i kyrkjeleg fellesråd blir prega av kommuneøkonomien. Vi er blitt skoren med ca 1 million kroner frå før

vi vart samanslått. Difor har vi vore forsiktige med pengebruken. Vi håpar på at kommunen vil halde fram med å sjå oss som ein viktig aktør utover det dei er pliktige å bidra med for at vi skal ha kyrkjer og kyrkjelydar i by og bygd i kommunen vår.

#### Kyrkjer og vedlikehald.

Kinn kyrkje har fått eit enormt ansiktsløft. Ho er blitt eit smykke vi kan vere stolt av. Middelalderkyrkja i havgapet er eit viktig signalbygg for vestlandet. Kommunen har stått for oppussinga. Takk til at dette blei satsa tid og ressursar på. No er det lys og straumrehabilitering som er på trappene i den kyrkja. Elles så er det fleire kyrkjebygg som treng rehabilitering. No er alle tilstandsrapportar komne, så då vert det å prioritere og sette i gang der det trengs mest.


#### Korona

Smittevernreglane har prega gudsstenester og kyrkjelege handlingar sidan 12. mars i år, og det vil framleis vere restriksjonar. Vi ser at det er ei utfordring å halde avstand. Spesielt i tider når ein treng nærliek. Heldigvis er vi ikkje i den hardast ramma delen av landet. Vi ynskjer at kyrkjene våre skal vere trygge stadar å være i derfor har vi sett begrensingar på antal deltakrar i dei ulike kyrkjene. Vi opplever at det blir respektert. Vi takkar for at folk har vore veldig samarbeidsvillige også når det av og til har teke litt ekstra tid med registrering. «Saman gjer vi kvarandre trygge», står det på plakatane i kyrkjene. Det minner oss på at det er viktig med avstand og handhygiene. Det er plass til alle i kyrkjene. Bruk plassen! er oppfordringa nok ein gong.

Ta kontakt med oss om de har spørsmål. Vi vil hjelpe dykk så godt vi kan.

For prestar og tilsette i Kinn kyrkjelege fellesråd .

Erling Bakke Nydal  
Kyrkjeverje.



# Sunnivaleia



Sommaren 2020 leia **Kari Leine Balog** si siste vandring på Sunnivaleia. Dette året kunne ikkje den planlagte norsk-tyske vandrings gjennomførast, så ei lita gruppe med pilegrimar frå Vestlandet gjekk for å kunne vere leiatar på framtidige vandrings. Turen gjekk i strålende solskinn frå Kinn til Selja.

7. april vart det regionale pilegrimssenteret i Selje opna, og leiar ved senteret Gerd Fløde Bjørlo deltok på vandrings på Sunnivaleia. Eit av formåla med turen var sjølv å sjå korleis merking og tilbodet på leia var. Hovedinntrykket var at det er ei utrulen fin pilegrimslei, men nokre små utbetringer bør gjerast.

Vi ynskjer at grupper og individuelle vandrare skal ta leia i bruk. Det regionale pilegrimssenteret på Selje skal koordinere innsatsen langs leia. Det er 5 nøkkelstadar i vårt område som skal samarbeide. Desse er Selja kloster, Kinn kyrkje, Svanøy, Kvernsteinsparken i Hyllestad og Gulatinget i Eivindvik. Dersom du vil vere med på tilrettelegging av leia eller hjelpe pilegrimar på vandring – så er det ei gruppe her på kysten som arbeider med slikt. Dei er organisert i pilegrimsfellesskapet **Sankta Sunniva**.



Pilegrimsvandrarar ved statua av Sankta Sunniva i Selje.



Gerd Fløde Bjørlo, Leiar ved det nyopna regionale pilegrimssenteret i Selje.

# Intervju med KNUT MAGNE

Knut Magne har arbeidd som prest i «Kinn prestegjeld», dvs Bru, Eikefjord, Kinn og Norddal sokn, sidan november 2001. Han har vore «geistleg representant», dvs presterepresentant først i Bru sokneråd, deretter i Eikefjord sokneråd og sidan 2010 i Kinn sokneråd. Sidan 2010 har Knut Magne også vært «geistleg representant» i Kinn kyrkjelege fellesråd.

I tillegg til prestegjerninga, har Knut Magne engasjert seg på fleire arenaer, bla Kinnaspelet, Pilgrimsleia på kysten og som redaktør for Kinn kyrkjeblad. Han er også forfattar for boka «Opptur kysten Bergen Stad»

Knut Magne tek frå hausten av over som prost i Sunnfjord, etter at prosten vår dei siste 15 åra, Reidar Knapstad, har vorte pensjonist. I den samanheng, syns vi det er interessant å høre litt om korleis tida som prest i «Kinn» har vore og litt om forventningar for den nye jobben som prost og dermed leiar av prestetenesta i Sunnfjord prosti.



**Kva har vore mest utfordrande?**  
Ei av dei mest utfordrande sidene ved å vere prest her er at det har vore vanskelig å bygge robuste fellesskap i kyrkjelydane. No har eg vore her lenge nok til å sjå at dette skiftar med folk som sluttar, nye som kjem til, endringar i menneske sitt liv. Men skulle eg gjort noko annleis, så trur eg at eg ville gjort færre ting på eigenhand og heller valgt å gjere fleire ting i lag med andre.

**Når du ser tilbake på snart 19 år i «Kinn prestegjeld», er det noko spesielt hending/minne du gjerne vil dele med oss?**  
Det er uråd for meg å velje eit par hendingar, men eg tok det svært tungt då min gode kollega i mange år, Odd Stubhaug, døydde brått. Når eg sit ned, tenker etter, ser på bilde, les i gamle kyrkjeblad så er det utrulen mange minner som strøymer på.

Eg trur også eg vil trekke fram det at eg starta som amatørkodespelar i Kinnaspelet, dei mange friluftsgudstenestene og alle dei unge eg har fått vere i lag med i konfirmantarbeidet.

**Kva er det som gjer at du vil vere prost i Sunnfjord prosti?**

Det var naturleg for meg å søkje stillinga som prost. Eg ynskte å bli buande i Florø og Sunnfjord og kjende på at eg trong nye utfordringar. No har eg ikkje tenkt å ta avskjed med kyrkjelydane i Kinn, då eg nok kjem til å gjere presteteneste her også etter at eg tek til som prost. Eg kjem framleis til å vere ein del av lokal-samfunnet her.

**Kva trur du vert mest spennande i den nye jobben, og kva utfordringar ser du føre deg?**

Det er ei stor utfordring for kyrkja at vi har få sokjarar til prestestillingar og også andre stillingar i kyrkja i utkan-tane. Å jobbe for at vi skal ha interesante stillingar og gode arbeidsvilkår vil vere svært viktig for meg. Eg syns også det vert spennande å reise omkring i heile Sunnfjord, møte tilsette og fri-villige. Ei viktig oppgåve for meg vert å motivere og styrke samarbeidet. Det vert nok ei stor overgang å gå frå å vere den som løyer alle slags utfordringar i kyrkjelyden, til ikkje å ha ansvar for ein lokalkyrkjelyd. Eg veit ein ting når eg startar - dei frivillige vert viktigare enn nokon gong i tida som ligg framfor oss. Kan eg motivere til å gjere ein frivillig innsats i kyrkja, så har eg lykkast godt!

.....  
Vi som har jobba med deg i kyrkja og sokneråd og sikkert også mange kyrkjegjengarar har satt stor pris på deg både som prest og medmenneske! Vi ønsker deg lykke til i den nye jobben og veit du vil løye oppgåvene på ein god måte! Lykke til!

Anders Tyvold

**Kva syns du har vore mest givande med di prestegjerning her?**

Noko av det mest givande ved arbeidet mitt her har vore møtet med utrulen mange kjekke menneske. Den store variasjonen med øyane, fjorden og byen har eg sett stor pris på. Den allsidige og varierte prestetenesta har gjort det muleg for meg å vere her i snart 19 år. Heile vegen har eg fått nye utfordringar.

**Du har teke på deg ulike verv/oppdrag utanom sjølve prestetenesta. Kvifor har du gjort det, og kva har det gjeve deg?**

Eg har alltid hatt glede av å lyfte blikket, delta på kurs, reise, arbeide i lag med andre – gjerne i lag med andre som arbeider med noko anna enn eg.

**DØYPTE****SØR-VÅGSØY**

26.01.20 Martine Tonning Lofnes  
24.05.20 Emil Håvik-Bohlinger  
07.06.20 Jackson-Cole  
Dragsund-Skram  
26.07.20 Noah Kristian Svoren  
02.08.20 Samuel Vedvik

**NORD-VÅGSØY**

01.03.20 Sander Ramsevik Olsen  
14.06.20 Viktor Kvalheim Engebretsen  
14.06.20 Olivia Kråkenes Gerhardsen  
25.07.20 Ella Sofie Johnsen Refvik

**KINN**

15.03.20 Alina Lillefosse Lillenes  
29.03.20 Johan Helland Eilertsen  
24.05.20 Emil Sunde Kulterstad  
Viljar Sunde-Haugholt  
(*Askrova*)  
31.05.20 Ask Johan Helland  
Einar Daniel Berge Grønsberg  
Johannes Brandsøy Sunde  
Olivia Berg Barstad  
14.06.20 Emrik Tangen Rognaldsen  
Mileah Hopkinson Jeppesen  
28.06.20 Molly Orheim  
12.07.20 Emilie Hovden Rambjørg  
Nora Klokernes Hårklaau  
Rikke Sørbotten Lien-Dahl  
29.07.20 Ine Johannessen  
(*Kinn Kyrkje*)  
Theodore Seim  
Wuchevich (*Kinn Kyrkje*)  
16.08.20 Mari Rønvåg Leversund  
Mia Linnea Lindanger  
Mileah Johnsen Larsen

**EIKEFJORD**

19.01.20 Kain Øren Fotland  
29.03.20 Levi Holsen Midtbø  
31.05.20 Eine Sørstrand Aarseth  
02.08.20 Tiril Fraas Øren  
16.08.20 Oline Apalseth Kalland

**BRU**

31.05.20 Noah Nordal Haukås

**DØDE****KINN**

12.01.20 Magnar Lillestøl  
28.02.20 Jorunn Fosheim Bruflat  
Sigmund Hilmar Rognsøy  
(*Rognaldsvåg*)  
29.02.20 Elsa Berg  
Arnfinn Jarle Søvik  
Fagerstrøm

04.03.20 Ragnhild Sælemyr  
07.03.20 Marit Reed Solheim  
16.03.20 Alf Andreas Stavøstrand  
(*Askrova*)  
15.04.20 Olufine Eikefjord  
19.04.20 Solveig Jørgensen  
23.04.20 Oddleif Johan Johannessen  
30.04.20 Ove Arvid Semshaug  
03.05.20 Hjørdis Føleide  
07.05.20 Else Marit Bortheim  
11.05.20 Gunnvor Hedvig Sandvik  
Aud Laila Rindheim  
(*Rognaldsvåg*)  
13.05.20 Elna Svalheim  
16.05.20 Jarl Solheim  
20.05.20 Vidar Asbjørn Snæland  
22.05.20 Magnus Otto Larsen  
29.05.20 Edel Marie Tronstad  
30.05.20 Torleif Olav Døskeland  
01.06.20 Jostein Atle Bjørnset  
06.06.20 Elin Marie Magnussen  
12.06.20 Edvin Johan Larsen  
14.06.20 Thomas Børge Madsen  
16.06.20 Arild Røbekk  
20.06.20 Bjørg Torvanger Antonsen  
Iver Sæther Fjellestad  
(*Askrova*)  
25.06.20 Rolf Endestad  
27.06.20 Borgny Andersen  
04.07.20 Rolf Magne Nilsen  
06.07.20 Haldis Elsebe Domben  
Hallerud  
10.07.20 Liv Berit Sagen  
Paul Sverre Tronstad  
13.07.20 Karen Sigfrid Holme  
Helge Henrik Kleiven  
16.07.20 Agnar Bjarne Frammarsvik  
26.07.20 Aud Sjølø Bakke  
27.07.20 Marit Midtbø  
Stian Milan Brandsøy  
02.08.20 Sigrun Solheim  
04.08.20 Bjarne Malvin Selvik

**EIKEFJORD**

30.03.20 Konrad Johan  
Steinhovden (*Steinhovden*)  
24.04.20 Ernst Ole Øren  
28.05.20 Kjell Albert Tonheim  
Audbjørg Møyfrid Øren  
07.06.20 Bjarne Mathias Tonheim  
03.08.20 Arne Magne Volle

**SØR-VÅGSØY**

18.01.20 Ingebjørg Dagny Grimeland  
24.02.20 Hildur Danelle Oppedal  
19.03.20 Sigrunn Hjørdis Totland  
23.04.20 Ingrid Marie Vedvik  
24.04.20 Gerd Anny Haugen

24.04.20 Olaug Ytreeide Bugjerde  
26.04.20 Helge Haugen  
16.06.20 Grethe Karin Mulelid  
22.06.20 Jon Grimeland  
26.06.20 Olav Svoren  
28.06.20 Ingrid Tytingvåg  
12.07.20 Asbjørn Reidar Hamre  
24.07.20 Arvid Halnes  
24.07.20 Jan Harald Sunde  
03.08.20 Jan Ove Saltkjel  
04.08.20 Edvard Roald Nygård

**NORD-VÅGSØY**

15.02.20 Ragnar Myre  
20.03.20 Kurt Emil Dyrø  
08.04.20 Agnes Klara Sætren Nybakk  
15.04.20 Kveldulv Odvar Kvalheim  
27.04.20 Gudrun Kristine Kjøde  
28.04.20 Heidi Sofie Refvik  
17.05.20 Ruth Laila Rundereim  
02.07.20 Ingebrigt Jensen  
04.07.20 Arild Magnus Barmen  
18.07.20 Steinar Norvald Silden  
20.07.20 Jenny Johnsen

**VIGDE****SØR-VÅGSØY**

08.08.20 Unni Olsbø og  
Aleksander Rong  
15.08.20 Mats Brunsvik og  
Eline Lund Johansen  
(*Vågsberget*)

**KINN**

03.05.20 Marit Sunnarvik og  
Tommy Vik  
31.05.20 Lene Kristin Berge og  
Ronny Grønsberg  
27.06.20 Trine Bjerke Pedersen og  
Andre Espeseth  
08.08.20 Reidun Merethe Norstrand og  
Kjetil Magne Rasmussen

**EIKEFJORD**

01.08.20 Marlene Tonheim og  
Kim André Einevoll

**13. september - 15. sundag i treeiningstida**

**11.00 Florø**  
Høgmesse. Knut Magne Nesse.  
Dåp. Offer til Nesholmen.

**11.00 Nesholmen**  
Ung messe. Benedicte Vibeke Øien og Dag  
Leirvik.

**14.00 Eikefjord**  
Høgmesse. Knut Magne Nesse.  
Dåp. Offer til KFUK-KFUM Sogn og Fjordane.

**20. september - 16. sundag i treeiningstida**

**11.00 Florø**  
Høgmesse. Benedicte Vibeke Øien.  
Dåp. Offer til Norsk Søndagsskuleforbund.

**11.00 Stavang**  
Høgmesse. Knut Magne Nesse.  
Dåp og nattverd. Offer til NMS-misjonsprosjektet

**16.00 Nord-Vågsøy**  
Gudsteneste. Beate F. Osdal.  
Konfirmantpres. utdeling av bibel til 5. klasse.

**27. september - 17. sundag i treeiningstida**

**11.00 Florø**  
Høgmesse. Knut Magne Nesse.  
Dåp og nattverd. Offer til NMS-misjonsprosjektet.

**11.00 Sør-Vågsøy**  
Gudsteneste. Beate F. Osdal.  
Konfirmantpresent. utdeling av bibel til 5. klasse.

**14.00 Eikefjord**  
Gudsteneste. Beate F. Osdal.  
Presentasjon av det nye soknerådet.

**4. oktober - 18. sundag i treeiningstida**

**11.00 Florø**  
Høgmesse. Dag Leirvik.  
Dåp og nattverd. Offer til Kirkens ressursenter.

**11.00 Sør-Vågsøy**  
Gudsteneste. Mari Saltkjel.  
Konfirmantpresent. utdeling av bibel til 5. klasse.

**14.00 Nordal**  
Høgmesse. Dag Leirvik.  
Korkafe.

**11. oktober - 19. sundag i treeiningstida**

**11.00 Florø**  
Høgmesse. Reidar Andreas Knapstad.  
Dåp og nattverd. Offer til Sjømannskirken.

**11.00 Nord-Vågsøy**  
Gudsteneste. Hege Høiby.

**18.00 Florø**  
Høgmesse. Benedicte Vibeke Øien.  
Miljømesse Ten Sing. Offer til KFUK-KFUM Sogn og Fjordane.

**18. oktober - 20. sundag i treeiningstida**

**11.00 Stavang**  
Familiegudsteneste. Benedicte  
Vibeke Øien.  
Haustakkefest. Offer til Nesholmen.

**11.00 Sør-Vågsøy**  
Familiegudsteneste. Beate F.  
Osdal.  
Utdeling til 1-3 åringane.

**16.00 Eikefjord**  
Høgmesse. Dag Leirvik.  
Konfirmantpresent. Offer til  
kyrkjelydsarbeidet.

**18.00 Florø**  
Høgmesse. Benedicte Vibeke Øien.  
Miljømesse Ten Sing. Offer til KFUK-KFUM Sogn og Fjordane.

**25. oktober - Bots- og bededag**

**11.00 Florø**  
Høgmesse. Benedicte Vibeke Øien/Dag Leirvik  
Konfirmantpresent. Offer til Kyrkjelydsarbeidet.

**11.00 Nord-Vågsøy**  
Gudsteneste. Mari Saltkjel.

**1. november - Helgemesesundag**

**11.00 Eikefjord**  
Minnegudsteneste. Dag Leirvik.  
Nattverd.

**14.00 Nordal**  
Minnegudsteneste. Dag Leirvik.  
Nattverd. Offer til Kyrkjelydsarbeidet.

**18.00 Sør-Vågsøy**  
Minnegudsteneste. Mari Saltkjel.

**11.00 Florø**  
Minnegudsteneste. Benedicte Vibeke Øien.  
Nattverd. Offer til Sjelesorgsenteret Haraldsplass.

**14.00 Stavang**  
Minnegudsteneste. Benedicte Vibeke Øien.  
Nattverd. Offer til Kirkens Bymisjon Bergen.

**8. november - 23. sundag i treeiningstida**

**11.00 Florø**  
Høgmesse. Knut Magne Nesse.  
Dåp og nattverd. Offer til Kirkens SOS i Bjørgvin.

**11.00 Nord-Vågsøy**  
Gudsteneste. Beate F. Osdal.  
Søndag for dei forfulgte.

**14.00 Rognaldsvåg bedehus**  
Høgmesse. Knut Magne Nesse.  
Nattverd. Offer til NMS-misjonsprosjektet.

**15. november - 24. sundag i treeiningstida**

**11.00 Sør-Vågsøy**  
Familiegudsteneste. Beate F. Osdal.  
Utdeling til 4 åringane.

**16.00 Nord-Vågsøy**  
Familiegudsteneste. Beate F. Osdal.  
Utdeling til 1-4 åringane.

**18.00 Florø**  
Ung messe. Benedicte Vibeke Øien.  
Nattverd. Gudstenestedag konfirmanter.  
Offer til Kyrkjelydsarbeidet.

**22. november - Domssundag (Siste sundag i kyrkeåret)**

**11.00 Florø**  
Høgmesse. Reidar Andreas Knapstad.  
Dåp. Offer til IKO - Kirkelig pedagogisk senter.

**11.00 Nord-Vågsøy**  
Familiegudsteneste. Mari Saltkjel.


**14.00 Batalden bedehuskapell**  
Høgmesse. Reidar Andreas Knapstad.  
Nattverd. Offer til NMS-misjonsprosjektet.

**29. november - 1. sundag i adventstida**

**11.00 Florø**  
Familiegudsteneste. Benedicte Vibeke Øien.  
Nattverd. Lys vaken.

**14.00 Nordal**  
Lysmesse Dag Leirvik.  
Tenning av julegrana

**18.00 Sør-Vågsøy**  
Lysmesse. Beate F. Osdal.  
Deltaking av konfirmantane.



Line Dybedal er sanger og forteller på kirkens podcast for barn.  
(Foto: Helle Frogner)

## PODCAST FOR BARN

Våren 2020 ble veldig annerledes, både for voksne og barn. Etter at samfunnet skulle være så stengt som mulig på grunn av korona-viruset, måtte vi tenke nytt i forhold til hvordan vi skulle formidle påskens budskap for menigheten. Et av resultatene ble et samarbeid mellom Kinn kirkelige fellesråd, sokneprest i Måløy, Mari Saltkjel, og artisten Line Dybedal. Vi har produsert en **påske-podcast** for barn, der barna kunne høre mens Dybedal sang og fortalte om det som skjedde med Jesus og læresveinene den aller første påsken. Episodene tar for seg palmesøndag, skjærtorsdag, langfredag, påskedag og Kristi himmelfartsdag. Dybedal hadde også med seg fire barn som sang sammen med henne. Det er spennende og lærerike episoder som mange

## Livet på kyrkjekontoret

Vi prestar har ein del samtaler, med unge og gamle og dei midt i livet. Vi har dåpssamtaler før kvar dåp og sorgesamtalar før gravferd, men og andre samtalar om livet sine oppfurur og nedfurur. Av og til har vi samtalar på kyrkjekontoret, andre gongar heime hos folk, på kafe, på tur eller ute på institusjonane. Den openheita og tilliten vi blir vist, er sterkt å oppleve, og den varmar og gjer inntrykk.

For ei tid tilbake hadde eg ein samtal med ei godt vaksen dame. Ho var vel rundt 80 tener eg. Det var ein fin samtal om livet som hadde vore og som skulle kome. Nokre dagar etter ringte barnebarnet. Barnebarnet hadde i samtal med bestemora fått høre at ho hadde hatt samtal med presten. Dei hadde snakka litt om det, og så hadde barnebarnet spurta kor gammal denne presten var. - Jau, ho var vel kanskje sånn som meg, eller kanskje litt eldre, svarte bestemora. Barnebarnet lo, og eg måtte no berre le eg og. Eg får tenke at ho kjende seg ung til sinns og kanskje trenget nye briller.

*Med venleg helsing litt fornærma prest på 49. (gjengitt med tillating)*

har hørt på allerede. Sokneprest Mari Saltkjel har vært ansvarlig for fortellingene.

Til høsten kommer den siste planlagte podcasten. Den heter «**dåpsdagen min**» og er en podcast en kan høre på for å markere dåpsdagen sin. Alle som blir døpt får med seg et dåpslys hjem. «*Jeg er lyset for verden*», sier Jesus. På dåpsdagen vår får vi en årlig mulighet til å minnes om at vi får leve i hans lys. Og så kan vi undre oss over hvilken gave og hvilket ansvar det er for oss, i våre liv. Men hvordan feire dåpsdagen sin? Vi har tenkt på det, og lager derfor en dåps-podcast til alle døpte barn og forldre og faddere og slektninger der ute. Dere kan tenne dåpslyset eller et annet lys, kanskje spise litt kake og lytte til dåps-podcasten sammen. Og kanskje også snakke litt om det dere husker fra dåpen?

*«God dåpsdag, alle sammen.»*



Dåpsteikning av elev i 4. klasse ved Skram skule.

## Sal av gravmonument

til faste priser,  
utan skjulte kostnader


Namnetilføying – skrifthogging  
og oppussing av gravstein.



[www.fjordan.no](http://www.fjordan.no)

- ditt byrå i fjordane

Markegata 42, 6905 Florø · Tlf. 57 74 31 36



## Lysmesse

1. søndag i advent, 29.11. kl. 18 er det konfirmantane som lagar gudstenesta i **Sør-Vågsøy**, og i kvite kapper og lys i hendene bringer dei lys til oss alle på den mørkaste tida. Dei lagar til kyrkja på førehand, ønskjer velkommen, les bibeltekstane, ber, syng og har det aller meste av gudsstenesta. Set av dagen og få ein lysande flott start på adventstida.

## Gåve

Dei yngste barna i Nord-Kinn blir inviterte til familiegudsteneste denne hausten for å få ulike gåver frå soknerådet. 1 åringane får eit lite lam dei kan kose med, 2 åringane får 2 årsboka, 3 åringane får eit kveldsbønbilete og 4 åringane får 4 årsboka. Dette er enkle gudstenester tilrettelagt for små barn med leik, vandringar og barnesongar. Alle medlemmar og tilhøyrige vil få invitasjon i posten, men alle som ønskjer det er hjarteg velkommen til kyrkja for å få gåva.

- 18. okt. Sør-Vågsøy kyrkje kl. 11  
- utdeling til 1-3 åringane.
- 15. nov. Sør-Vågsøy kyrkje kl. 11  
- utdeling til 4 åringane.
- 15. nov. Nord-Vågsøy kyrkje kl. 16  
- utdeling til 1-4 åringane.



## Konfirmant presentasjon

I Nord-Kinn blir det presentasjon av dei nye konfirmantane i **Nord-Vågsøy kyrkje 20.9. kl. 16.00** og i **Sør-Vågsøy kyrkje 27.9. kl. 11**. Direkte etter gudstenestene blir det informasjonsmøte for konfirmantane og foreldra. Dersom det ikkje passar å møte i den kyrkja du høyrer til i så møter du i den andre. Konfirmantane startar konfirmantundervisninga si i veke 42 og 43. Lat oss ta godt i mot dei nye konfirmantane!



## Kyrkjedør

Kyrkjedøra i **Stavang** er no slipt/pussa og innsatt med teakolje og lakk. Dette arbeidet vart gjort før pinshelga i år av **Karl Standal** med god hjelp av **Tore Jakob Madsen** og **Ellisif Gjestland**.

Arbeidet har stått på Bru sokneråd si dugnadsliste siste åra og resultatet vart framifrå!

## Bibel til 5.klassingane

I Nord-Kinn blir det utdeling av bibel til 5. klassingane i **Nord-Vågsøy kyrkje 20.9. kl. 16.00** og i **Sør-Vågsøy kyrkje 27.9. kl. 11**. Dersom det ikkje passar å møte i den kyrkja du høyrer til i så møter du i den andre. 5. klassingane vil få tilbod om besøk på skulen av kateket Sølvi Myklebust der dei vil lære meir om Bibelen dei har fått.



Teikning av elev i 4. klasse ved Skram skule.